



KENYATAAN MEDIA
TIMBALAN PERDANA MENTERI
MENTERI PERTAHANAN

19 JULAI 2021

**MENGENAI PELAN PEMULIHAN NEGARA (PPN) & PERINTAH
KAWALAN PERGERAKAN DIPERKETATKAN (PKPD)**

Esok, kita bakal menyambut dan meraikan Aidiladha dalam keadaan berjauhan daripada kedua ibu bapa, keluarga dan kampung halaman.

Cabaran pengorbanan ini akan dapat kita lalui bersama demi kesejahteraan dan keselamatan insan-insan yang kita sayangi.

Semoga Hari Raya Korban ini memberi iktibar kepada kita tentang erti 'pengorbanan' - untuk bersama-sama melandaikan lengkung jangkitan Covid-19 dan membantu negara pulih sepenuhnya.

Bagi solat sunat Aidiladha, pastikan anda semua mematuhi SOP yang ditetapkan oleh Pihak Berkuasa Agama Negeri masing-masing.

Hanya diri kita yang boleh jaga nyawa kita sendiri selain ketentuan Ilahi.

Kita mesti menang.

Berdasarkan perkembangan positif kadar vaksinasi negara, Kerajaan bersetuju untuk melakukan sedikit perubahan ke atas prosedur operasi standard (SOP) di bawah Pelan Pemulihan Negara (PPN) bagi Fasa 1 dan Fasa 2 seperti berikut;

Fasa 1:

- Bagi meningkatkan produktiviti, kehadiran di pejabat bagi sektor awam ditingkatkan kepada **40%** dan tertakluk kepada arahan Ketua Setiausaha Negara (KSN).
- Perkhidmatan perakaunan juga **DIBENARKAN beroperasi dengan kapasiti 60%**.
- Operasi pasar harian dan pasar awam dilanjutkan dari **6.00 pagi hingga 4.00 petang** tertakluk kepada pihak berkuasa tempatan (PBT) dengan pematuhan SOP dan pengawasan anggota RELA atau PBT. Manakala, waktu operasi bagi Pasar Segar Terkawal (PST) akan dilanjutkan dari **7.00 pagi sehingga jam 2.00 petang**.
- Aktiviti berbasikal dan permainan individu yang boleh mengamalkan penjarakan fizikal 2-3 meter **DIBENARKAN di kawasan kejiranan sahaja**.
- Pelabuhan, lapangan terbang, dan sektor logistik **DIBENARKAN untuk beroperasi 24 Jam**.
- Pengoperasian lombong dan kuari adalah dibenarkan dengan kapasiti pekerja sehingga **60%** tertakluk kepada SOP Perlombongan dan Pengkuarian. Ini bagi memenuhi keperluan kepada projek-projek kritikal yang melibatkan pembaikan dan pembinaan jalan raya, jalan-jalan luar bandar serta persekutuan.

Fasa 2:

- Penggambaran filem di luar studio **DIBENARKAN** dengan pematuhan SOP ketat.
- Waktu operasi premis perniagaan dari **6.00 pagi hingga 10.00 malam termasuk *specialty stores* (stesen minyak).**

Pelaksanaan PKPD

Sidang Khas MKN telah meneliti pembentangan oleh KKM dan setelah mengambil kira penilaian risiko serta trend jangkitan COVID-19, bersetuju untuk mengenakan PKPD di lokaliti-lokaliti berikut:

BIL	Lokaliti PKPD	Tarikh Mula PKPD	Tarikh Tamat PKPD
1.	Dua (2) Lokaliti di Mukim Bandi, Kemaman, Terengganu <ul style="list-style-type: none"> • Bandar Cheneh Baru • FELDA Neram 2 	21 Julai 2021	3 Ogos 2021
2.	10 lokaliti dalam mukim Kuala Dungun, Dungun, Terengganu <ul style="list-style-type: none"> • Kg Sungai Buaya • Kg Tanah Lot • Kg Lembah • Kg Padang Jambu • Kg Nibong • Kg Bukit Chatak Tengah • Kg Molek • Kg Bijangga • Kg Sungai Udang • Kg Sungai Penaga 	21 Julai 2021	3 Ogos 2021
3.	Kampung Marau, Sipitang, Sabah	21 Julai 2021	3 Ogos 2021

4.	Kampung Pituru Kinarut, Papar, Sabah	21 Julai 2021	3 Ogos 2021
5.	Kampung Meruntum, Putatan, Sabah	21 Julai 2021	3 Ogos 2021
6.	Empat (4) Lokaliti dalam daerah Kota Kinabalu, Sabah <ul style="list-style-type: none"> • Jalan Kampung Likas Simpang 3 • Api-Api Centre Kota Kinabalu • Taman Ujana Kingfisher, Likas • Kampung Salut, Telipok 	21 Julai 2021	3 Ogos 2021
7.	Kampung Kebawang, Sipitang, Sabah	21 Julai 2021	3 Ogos 2021
8.	Dua Lokaliti dalam daerah Penampang, Sabah <ul style="list-style-type: none"> • Beverly Hills Fasa 2 • Cybercity Fasa 2 	21 Julai 2021	3 Ogos 2021
9.	Tiga Lokaliti dalam mukim Ulu Dong, Raub, Pahang <ul style="list-style-type: none"> • Kg Bedu • Kg Temalian • Kg Pamah Kulat 	21 Julai 2021	3 Ogos 2021
10.	Dua lokaliti dalam Mukim Ulu Jelai, Lipis, Pahang <ul style="list-style-type: none"> • Kampung Kabang • Kampung Sat 	21 Julai 2021	3 Ogos 2021

SOP bagi kesemua PKPD adalah sama seperti yang diumumkan sebelum ini. Maklumat lanjut boleh diakses di laman sesawang MKN di www.mkn.gov.my

Pelanjutan PKPD

Sidang Khas MKN juga telah meneliti pembentangan KKM mengenai situasi di lokaliti PKPD dan setelah mengambil kira penilaian risiko serta trend jangkitan COVID-19, telah bersetuju untuk melanjutkan PKPD di lokaliti-lokaliti berikut:

BIL	Lokaliti PKPD	Tarikh Tamat PKPD	Cadangan
1.	Penjara Sungai Udang (kecuali Kuarters Penjara), Melaka Tengah, Melaka	20 Julai 2021	Dilanjutkan dari 21 Julai 2021 sehingga 3 Ogos 2021

Penamatan PKPD

Sidang Khas MKN setelah meneliti pembentangan KKM mengenai situasi semasa telah bersetuju untuk menamatkan PKPD di lokaliti-lokaliti berikut:

BIL	Lokaliti PKPD	Tarikh Mula PKPD	Cadangan
1.	Kampung Bagus, Rantau Panjang, Kelantan	7 Julai 2021	Ditamatkan pada 20 Julai 2021 seperti yang dijadualkan
2.	Kampung Mambong, Kuching, Sarawak	7 Julai 2021	Ditamatkan pada 20 Julai 2021 seperti yang dijadualkan
3.	Kampung Baru Batu 2 Jalan Apas, Tawau, Sabah	7 Julai 2021	Ditamatkan pada 20 Julai 2021 seperti yang dijadualkan
4.	Kampung Ejuk, Kota Belud, Sabah	23 Jun 2021	Ditamatkan pada 20 Julai 2021 seperti yang dijadualkan

5.	Kampung Warisan, Kota Kinabalu, Sabah	23 Jun 2021	Ditamatkan pada 20 Julai 2021 seperti yang dijadualkan
6.	<p>Kawasan Perindustrian Indahpura serta Tujuh (7) Lokaliti dalam Kawasan Perindustrian Senai, Kulai, Johor</p> <ul style="list-style-type: none"> • Kawasan Industri Senai Fasa 1 • Kawasan Industri Senai Fasa 2 • Kawasan Industri Senai Fasa 3 • Kawasan Industri Senai Fasa 4 • Taman Perindustrian Senai • Taman Perindustrian Murni Senai • Senai Airport City (SAC) 	9 Julai 2021	Ditamatkan pada 20 Julai 2021, lebih awal dari dijadualkan (22 Julai 2021)

SOP COVID-19 di Sektor Perkilangan dan Premis Perniagaan

Kerajaan telah mempertingkatkan penguatkuasaan secara menyeluruh dari segi pemeriksaan ke atas kilang-kilang dan premis-premis perniagaan kerana terlalu banyak pelanggaran arahan kerajaan dan SOP yang telah diwartakan.

Semalam Pasukan Task Force Operasi Pematuhan telah melaksanakan 83,710 pemeriksaan dan *snap check* COVID-19 di seluruh negara dengan jumlah kekuatan anggota seramai 19,465 orang.

Ia termasuk pemeriksaan ke atas 1,539 buah kilang, 14,945 premis perniagaan, 508 tapak pembinaan dan 190 buah asrama penempatan pekerja.

Hasil daripada pemeriksaan tersebut, sebanyak 31 premis meliputi kilang, premis perniagaan dan tapak pembinaan diarahkan tutup kerana gagal mematuhi SOP yang ditetapkan kerajaan.

Task Force Operasi Pematuhan

Task Force Operasi Pematuhan yang diketuai Polis Diraja Malaysia (PDRM) telah melakukan 83,710 pemeriksaan semalam.

Ia melibatkan 4,447 Pasukan Pematuhan yang terdiri daripada 19,465 anggota bagi memantau dan menguatkuasakan pematuhan Prosedur Operasi Standard (SOP) sepanjang Perintah Kawalan Pergerakan (PKP).

Semalam, 541 individu ditahan atas kesalahan ingkar SOP. Daripada jumlah itu, seramai 492 individu dikompaun manakala 20 lagi direman dan 29 dijamin.

Orang ramai diingatkan untuk sentiasa mematuhi SOP yang ditetapkan dan mengamalkan kawalan sendiri dalam usaha untuk memutuskan rantai jangkitan COVID-19.

Kawalan Sempadan Negara

Operasi BENTENG (Op BENTENG) semalam telah menangkap 11 orang Pendatang Asing Tanpa Izin (PATI) dan merampas tujuh (7) buah kenderaan darat.

Op BENTENG melibatkan Polis Diraja Malaysia (PDRM), Angkatan Tentera Malaysia (ATM), Agensi Penguatkuasaan Maritim Malaysia (APMM) dan Agensi Keselamatan Sempadan Malaysia (AKSEM) serta agensi-agensi keselamatan lain turut menjalankan 890 Sekatan Jalan Raya (SJR) semalam iaitu:

Op PENAWAR (ATM, PDRM dan RELA)	- 836 SJR
Op BENTENG PDRM	- 45 SJR
Op BENTENG AKSEM	- 9 SJR

Operasi Disinfeksi COVID-19

Semalam, sebanyak 181 operasi disinfeksi telah dilaksanakan di seluruh negara yang merangkumi 71 zon merah, zon jingga (5) dan zon kuning (3).

Operasi disinfeksi ini melibatkan 1,095 anggota Jabatan Bomba dan Penyelamat Malaysia (JBPM) dan 241 Pihak Berkuasa Tempatan (PBT) serta 181 buah jentera JBPM.

Secara kumulatifnya, sebanyak 32,952 operasi disinfeksi merangkumi 157 zon dilakukan sejak 30 Mac 2020. Operasi sanitasi melibatkan pusat perniagaan, kawasan perumahan termasuk Projek Perumahan Rakyat (PPR), tempat awam, pasaraya dan bangunan kerajaan.

Barang Keperluan Asas

Pemantauan serta pemeriksaan oleh anggota Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) di peringkat peruncit dan pemborong mendapati bekalan makanan adalah stabil dan mencukupi.

Semalam, KPDNHEP telah membuat 843 pemantauan harian ke atas 10 jenis bekalan barangan terdiri daripada peruncit (656), pemborong (155) dan pengilang (32).

KPDNHEP juga telah melakukan 2,878 Pemeriksaan Khas Pematuhan SOP dan daripada jumlah itu, 2,872 premis mematuhi SOP manakala enam (6) lagi dikompaun kerana tidak patuh SOP.

Amalkan “lockdown” sendiri. Kekal di rumah dan amalkan gaya hidup sihat bersama keluarga dalam lingkungan kawasan rumah sendiri. Terima kasih.

#StaySafeStayHome

#AmalkanKawalanKendiri

YAB DATO' SRI ISMAIL SABRI YAAKOB

**TIMBALAN PERDANA MENTERI
MENTERI PERTAHANAN**